

THINGPEL THUPUOH



Simmun 2: July 11, 2026

“Thingpel thu chu
amangthai ding ho ding in
ngolna ahi;
asuohcha ding eiho ding
vang in Pathien thahat
ahi”

(1 Corinth 1:18)



1 Corinth 1:17-31 a hin thingpel in mihiem te hinkho akhel lamdang jou dan akisun e.

Tahsan chate din thingpel hi huhhingna melchihna ahi. Kum jabi khatna khang mite din vang thingpel chu gucha michom le dan palkeh ho gotna kipieh vetsah bou anahi.

Hiche thingpel a thi khat chun huhhingna ahin lhutpih a, hung thoudoh kit a ham? Vannuoi mite din hichu ngolhuoi tah thu kisei ahi. Hinla, Lhagao Thieng kouna ja a, alungkot hong eiho jouse din hichu *“Pathien thahatna”* [...] *“chihna, thiemchanna, kisuhthiengna le lhatdamna ahi”* (1 Cor. 1:18, 30).



Pathien Chihna

Thingpel thu ngolna

Pathien thahatna

Thingpel Thupuoh

Pathien Ngolkaina le Hatmona

PATHIEN CHIHNA

“Ahinla Juda mi hihen Greek mi hijongle akikoute ding a Christa chu Pathien thahat le Pathien chihna ahi e.” (1 Corinth 1:24)



Athens khopi aum lai chun Paul in mihiem chihgutna mangcha’n mite athunun go’i. Chujou apat chun Pathien chihna bou mangcha ta din akigel lha tai.

Pathien amatah in *“Kipana Thupha seiphong ding”* a, *“Christa thingpel thu chu ahomkeo ahilouna ding a (mihiem) chihna thu jong (asei) lou ahi”* (1 Cor. 1:17).

Paul in Pathien chihna ahillhang hi ipi chu hija ham?

Pathien chihna’n *“miching ho chihna asuhmang a...hetthiemna nei ho hetna jong moh ahisah ahi”* (1 Cor. 1:19); *“hiche vannuoi chihna hi ngolna asuosah”* ahi tai (1 Cor. 1:20).

Mihiem lungsuhtuo banglou beh in, Pathien chihna vang chun *“ngol kai tah thu kisei a kuon chun atahsan jouse huhhingna ape’i”* (1 Cor 1:21).





Greek thucheng *mōria* (ngolna) hi 1 Corinth sung a 5 vei akisei e:

“Thingpel thu hi amangthah ho dia ngolkai tah ahi” (1 Cor 1:18)

“[...] ngolkai thu a kigel hiche thu kiseiphuong tahsan ho huhhing ding hi pha asa’i.” (1 Cor 1:21)

“[...]kikhenbeh Christa... chidang namdang ho dia ngolna ahi” (1 Cor 1:23)

“Tahsa lam mihiem in vang Pathien Lhagao thil ho chu ama din ngolna ahin...” (1 Cor 2:14)

“Ijeh in em itile hiche vannuoi chihna hi Pathien kom a ngolna ahibouve” (1 Cor 3:19)

THINGPEL THU NGOLNA

“Keihon vang thingpel a kikhenbeh Christa chu kaseiphuong u ahi; hiche hi Judate din kipalna ahin, chidang namdang ho dia ngolna ahi” (1 Corinth 1:23)



Thingpel thu hi amangthah ho dia ngolhuoi tah thusim ahi; Pathien helou te (Gentile te) din; hiche leisiet thudol jieng ngaituo ho din; amaho chihna jieng kipui sah ho din.

Hinla, Pathien in thingpel avet bang a vet ding go jouse (lhatsa te) din vang phatthei channa thusim ahi.

PATHIEN THAHATNA

“Thingpel thu hi amangthah ho dia ngolkai tah ahin, huhhing a um eiho din vang Pathien thahatna ahi.” (1 Corinth 1:18)

Thingpel hin mihiem phatlouna le Pathien phatna ahibang tah in atahlah jou e (1 Cor. 1:18).

Mihiem phatlouna

Pathien phatna

■ Ngolna

■ Thahatna

■ Nungsunna

■ Ei saan jing u

■ Mimal dia
phalou bol


■ Ngaidamna

■ Manthahna

■ Sochatna

Thingpel nungsun jouse’n athilbol u dihlou ga akilo tei uve, akhonna leh anungsunpa’u chun asuhmang diu ahi.

Pathien thahat in mihiem toh chamna asiem in, achonsiet jouse angaidam pih in, chuleh tuonsot hinna jong ape thei e ti thingpel thusim a kuon akimu’i (Col. 1:20; 1P. 2:24).



THINGPEL THUPUOH

"Ijeh in em itile Pathien chihna a hin hiche chihna vannuoi in mangcha Pathien ahethoh thei lou phaath in, ngolkai thu a kigel hiche thu kiseiphuong tahsan ho joh huhhing ding hi pha asa'i." (1 Cor 1:21)

Thingpel thusap phuonle hi ibol a ngolkai hin tem?(1 Cor 1:21-24)

Juda ten Rome thuneina kuon jalensah ding Messiah ana kineppi uve. Jesu'n thingpel a khetbeh ahi ding ase chun aseijui ho jieng jong tahsanlelna'n adim ta uve. Judate diehset din thingpel a kikhai chu Pathien gaosap chang a agel u ahi (Deut 21:23). Huhhingpu hung ding lam ima hepha lou Gentile te din vang thingpel a Jesu thi chu ichuom jong ahipon, ngolhuoi tah thilsuoh khat ahibouve.

Ahin vantiil te din vang hiche thingpel thusap chu thu kidang tah ahi. Vanmun a alhatkhompi u Jesu chun anungsun mihiem te angailut jal in thina ana kilhen tan ahi. Hiche thudol hi Paul in seidoh tei ding atup ahi.

Thingpel thusap hin huhhing ihina diuva Pathien in ichan eibolpih u ngapchat am ti atahlah e.



PATHIEN NGOLKAINA LE HATMONA

“Ajieh chu Pathien dia ngolkai chu mihiem chihna sang in achingjo'n, Pathien dia hatmona chu mihiem hatna sang in ahat jo nalai e.” (1 Cor 1:25)



Pathien in ngolkaina le hatmona anei mong a ham? (1 Cor. 1:25)

Ahipoi, Pathien in chamkimlouna ima anei poi. Het bailam dia Paul in tekahna abol ahibouve: Pathien in ngolhuoi tah lunggel nei ta jong leh mihiem aching pen sang a jong ching jo nalai ding ahi; Pathien thusap a hatmona umkha jong leh mihiem thusei thiem pen sang a jong nasa jo cheh nalai ding ahi.



Vannuoi miching jouse chihna kigomkhom jong leh mihiem te huhhingna tohguon aboldoh joulou ding ahi.

Pathien bouvin, Jesu thingpel a akipiehdoh thahat jal chun “*huhhing a um te*” (1 Cor. 1:18), “*atahsan te*” (1 Cor. 1:21), chule “*akikou te*” (1 Cor. 1:24) chu huhhingna eipe thei uve.

Melchih in, lhagao thieng kouna kisaan a, Jesu tahsan ho bou chu huhhing hidiu ahi.



“Tukhang hin, mite’n Calvary thingpel thu aseï tieng leh Pathien geldohna’n anei uve. Calvary lhang akaltouva, thingpel akikhetbehna mun gei mitlha kimu chu Pathien toh kinaina’n tampi’n anei e. Hinla Paul khang chun chuti chu anahi poi. Paul khang chun thingpel chu sapsiet le thet um tah toh kivetbeh anahi. Thingpel a kikhailih khat chu vannuoi Huhhingpa ahi ti a sapphuong ding chu hiche khang mite tampi nuisat le totnopna bep anahi e. [...]

Hitobang mi chu lunggel lhasam ahin, thingpel jal a mihiem khang mite dopsang le khantouna um him him theiponte tin gel unte.

Paul din vang thingpel thu hi ngainop um tah chu ahi tai [...] Ama tah in atuo a kuon Pathien ngailut le ngaidam chang khat chun Pathien deilam hinkho akilhen joh tieng lung kikhelna ahin neithei ji’n, Christa chu ama dia ijakai a ijakai ahithei dan amudoh e.”

EGW (The Acts of the Apostles, p. 245)